

# 陳州志

四

陳州志十二卷

藝文志

御札 祭文 古文 碑紀 傳 詩

夫結繩之必易為書契也其猶璞之必琢為玉  
乎蓋言以是志文以足言不言誰知其志言之  
無文行之不遠自天子不能舍文告以行之郡  
下而况其凡乎故或通上下之情或結遐邇之  
好或單詞而釋嫌怨或片語而格神明他如騷  
人之諷詠抒懷才士之憤發見志雖體緣事異

要之非文不行若夫妍媸不齊高下異致譬之  
玉有瑕瑜琢有工拙才情所向安能強同大都  
貴雅馴不貴浮靡故孔子曰辭達而已矣陳於  
州為中義皇始都爰畫八卦寔萬世文字肇興  
之區至仲尼刪詩定丘東門諸什並列國風歷  
代相沿不乏作者

清興醞釀道化破觚斲雕翰藻斌斌於都哉稱極盛  
矣余不忍令其湮滅闕畧致識者責憾用是搜  
羅典故稍加刪定上自帝王詔令下至近體律

絕自唐以來凡有關於陳者作藝文志浮雅之

辨以俟來喆

御札

唐德宗賑恤陳州等處水災詔

朕以薄德託于人上勵精庶政思致雍熙而誠  
不動天政或多悖陰氣作沴暴雨荐臻自江淮  
而及于荆襄歷陳宋而施於河朔其間郡邑連  
有水災城郭多傷公私爲害損壞廬舍浸敗田  
田苗或親戚漂淪或資產沉溺爲民父母所不  
忍聞興言疚懷良深制閭閻夜畏悞悼于厥心  
是用寢不獲安食而忘味時宜賑恤庶洽幽明  
今令中書舍人奚陟往襄陵鄆隨鄆申光蔡等  
州左庶子姚齊格往陳許宋毫徐泗等州秘書  
少監審咸往鎮冀德棣深趙絳州京兆少尹韋

武往揚楚廬壽徐潤蘇常湖等州宣撫一應諸  
州百姓因水不能自存者委宣撫使賑給死者  
各加賜物所在官爲收歛埋瘞其田苗所損宣  
撫使與所在長吏具奏於戲一夫不獲一物失  
所刑罰不中賦歛不均皆可以失陰陽之和致  
水旱之沴其繫囚及獄訟久未決者委所在長  
吏即與疎辨務從寬簡俾伸冤滯貪官暴吏倚  
法害公特加懲肅用明典憲災傷之後切在撫  
綏咨爾方鎮之臣泊于官宰咸宜悉乃心力以  
恤凶災宣布朕懷使各知悉

### 宋太祖修陵奉祀詔

歷代帝王或功濟生民或道光史載垂於祀典  
厥惟舊章兵興以來日不暇給有司廢戢因循  
曠墜或廟貌攸設牲牷罔薦或陵寢雖存樵蘇  
靡禁及席輿念茲用惕然其太昊葬宛丘在陳  
州高宗武丁葬陳州西華縣北各給守陵五戶蠲  
其地役長吏奉祀也

明太祖高皇帝諭陳州守將左君弼書

襲者兵連禍結非一人之失序勞師暑月興足  
下從事足下乃舍其親而奔他國是皆輕信群  
下之言以至於此雖悔何及今足下奉君國之  
命禦彼邊疆與予接壤若欲獻計與師復境其  
中輕重自可量也且予之國乃足下父母之國  
合肥之城乃足下丘隴之鄉寧不思乎天下兵  
興豪傑并起豈惟乘時以就功名亦欲保全父  
母妻子於亂世足下以身爲質而來安於人既  
已失策復使垂白之母糟糠之妻獨守寡居各  
天一方朝思暮望以日爲歲足下縱不以妻子  
爲念何忍忘情於老親哉功名富貴可以再圖  
生身之親不可再得足下能留意於是幡然而  
來予當棄前非仍復待以故舊則  
足下於天理人心舉無不順矣

明景皇帝遣官招撫河南流民勅

今聞河南開封府陳州等處多有各處逃來赴  
食流民或與本處居民相聚一處誠恐其中有  
等小人久則至於誘惑為非難以處置今特簡  
命僧徒彼處會同左副都御史王未及彼處三  
司堂上官并原專一撫治流民官員及巡按御  
史及本府州縣堂上能幹官平日為民所信服  
者分投設法小心招撫令各自散處耕種生望  
有缺食者量給米糧賑濟無田種者量與田耕  
種務令得所宜諭朝廷恩重使之警悟不許急  
逼致有激變又為患害其中果有能体朝廷恩  
恤各散復業者量與免其糧差三年庶俾有所  
慕恋仍提督所在衛所官軍操練軍馬固守城  
池如有寇盜生發即令相機勦捕毋致滋蔓爾  
為近臣受朝廷委命必須夙夜尽心以畢乃事  
不可因循怠忽有悞事机如違罪有所

祭文

明洪武四年遣會同館副使路景賢祭伏羲陵文

朕生後世為興于草野之間當前人失馭天下  
紛紜乃乘群雄大亂之秋集衆用武荷皇天后  
土眷佑遂平暴亂以有天下主宰庶民今已三  
年矣君生上古繼天立極作養民主神功聖德  
垂裕至今朕典百神之祀考君陵墓在此歷相  
去年歲極遠朕觀經典所載雖切慕于衷奈稟  
性之愚時有古今民俗亦異惟仰神君萬世所  
法特遣官奠祀于陵聖靈不昧尚其納焉

洪武十三年遣知州張寧祭伏羲陵文

惟神功施于時德裕後世仰瞻陵寢必當慎禮  
朕有天下首勅所司凡有古先帝王陵寢常加  
修理以附近人看守常年祭祀已有成式尚慮  
追崇禮有未至故于三年秋祭特致其嚴神其

知鑒

# 洪武二年御製城隍廟文

帝王受天明命行政教于天下必有生聖之瑞  
受命之符此天示不言之妙而人見聞所及者  
也神司淑慝為天降祥亦必受天下之命所謂明  
有禮樂幽有鬼神天理人心其致一也朕君四  
方雖明智弗類代天理物之道實切于衷思應  
天命此神所鑒而簡在于帝心者君道之大惟  
典神天有其舉之承事惟謹陳州城隍聰明正直  
聖不可知固有超于高城深池之表者世之崇  
于神者則然神受于天者蓋不可知也茲以脩  
御之初典天下更始凡城隍之神皆新其命  
茲州城隍祗攸主宜封曰鑒察司民城隍實初  
侯賞則隨感而通祐則揚善以福此固神  
亦天之命也司于我民鑒于州政享茲典  
久無疆土者施行

明一 永元年遣官祭太昊陵文

自古有天下功德及民者當享百世之祀  
家崇祀古者帝王厥有常典公朕遵奉祖訓奉  
天征討即位之初永惟聖帝明王陵寢所在不  
可不敬是用奉香帛牲醴以祭惟皇有治世之  
功在安民之德歷代雖遠神靈不亡其尚默贊  
玄化乎佑邦家永臻太平之福朕其敬祀萬也  
教無

弘治元年五月丁丑遣興安伯徐盛祭太昊陵文

於惟聖神授生萬古繼天立極開物成務功化  
之隆惠利萬世載承天序式修明祀用祈  
繁佑永祚我  
邦家尚饗

弘治十四年遣知州白思義祭太昊陵文

附州志  
昔者奉天明命相繼為君代天理物撫育黔黎  
獎倫攸序井井繩繩至今承之生民多福思不  
忘報茲特遣使齋捧香帛抵命有司詣陵致祭  
惟帝其靈來歆來格

嘉靖三十五年八月丁亥遣河南撫按潘恩孫昭

祭太昊陵文

惟神奉天撫世奠境保民聖德神功萬世攸賴  
茲者適因地震致將河南懷慶等二府衛陝州  
靈寶等五縣城垣壞損官民房舍倒塌壓死人  
口不計其數守臣具實上聞朕不勝惶懼茲遣  
大臣敬齋香帛往詣祭告伏冀聖鑒俯默相  
化机轉災為祥地方其未依庇焉謹告

明萬曆三十一年歲次祭郊八月甲申朔越祭日戊

戌遣開封府陳州知州羅林祭太昊陵文

通鑑明倫彙編  
所任英爽如存茲特遣使齎奉香帛慰命有司  
致祭惟神鑒  
歆尚嚮

清順治八年歲次辛卯四月丁未朔越七日癸丑

皇帝遣太常寺卿段國璋致祭于

太昊伏羲氏曰自古

帝王受天明命繼道統而新治統聖賢代起先後一

揆功德載籍炳如日星朕 既膺天眷紹續丕

基景慕前徽圖追芳燭明禋大典丕且肇慶敬

遣崇官代將牲帛爰修殷薦之誠用展儀型之

志伏惟格歆尚其鑒享

嘉祥八年歲次癸卯八月甲申朔建祭日

帝王受天而食茲重始而博祭其聖賢外茲共於一

太昊伏羲神農黃帝炎帝禹湯伊尹周文王武王

聖帝聖王太常寺卿卿奉饗帝廟

嘉祥八年歲次癸卯八月甲申朔建祭日

嘉祥八年歲次癸卯八月甲申朔建祭日

嘉祥八年歲次癸卯八月甲申朔建祭日

祭

贈太尉韓公文

七年九月丙申朔二十八日癸亥具官  
某謹言  
公有大德之季大盜移國封豕長蛇殘暴茲土生  
民塗炭城邑丘墟公于爾時獨保孤壘攻圍幾  
年浴血百戰陳之遺黎竟脫賊口兄弟三人繼  
登將相並有功德著于此邦而其像貌晦于闇  
乎邦人不知人不克享其祇膺朝命再來領藩  
惟公忠烈能悍大患寫之繪素神氣凜然乃走  
祠堂式薦時事夫封為上公祝為貴神春秋之  
義禮典攸著奉之廟食永世無疆尚享

祭絃歌臺文

吳悌御史

嗚呼夫子之聖大不可階夫子之厄日月之靈  
則陳蔡之事又何足損夫子之聖哉昔舜入山

澤雷雨弗迷夫子在陳絃歌書詩譬之天地晦  
冥萬變太虛湛然起滅如幻世之一切事變豈  
能為孔虞患乎嗚呼厄莖有廣太昊之宅二聖  
相望百王所則悌等式陳時莫有馨惟德精爽  
在天陟降  
有赫尚饗

祭絃歌墓文

朝陽林大春 僉事

世師志在東周轍環天下首六莫容絃誦于野  
遺蹟千古懷古感時瞻仰無窮謹以牲帛醴齊  
案盛庶品式仲明薦尚享  
平日明字易般字

祭

宋包孝肅公文

王堯封

維神忠孝植倫嚴明菴治正色朝端河清比瑞  
所至興勸闢維進益

未詳歷有載誌今茲仲秋特陳醴饗  
英爽如存牖我弘庇尚饗

祭

宋岳武穆文

前人

惟桀兩間正氣一代精忠宋室南渡中原亂叢  
此邦不祿盜賊逋攻經營克復寔繁公功權奸  
搆陷公且殞躬懷德景行追悼無窮仲秋薦享  
憲雲並從既協崇報亦寫怨悵英靈如在庶我  
監焉  
尚享

祭四賢祠文

河東翟師雍

憲副

余聞之禮祭法曰能捍大患則祀之以余所稽  
四公于陳非所謂能捍大患者耶或以文飭治  
著循良之蹟或以武勘亂成蕩平之功或以法  
繩奸宄豪右之黨千載而下遺澤洋洋猶可令

人傾仰而願特祀未修豈利之而不庸耶抑惑  
于非鬼而未之思耶舍此不祀乃于一切不正  
之神是崇是奉則于神為不祥于是為非禮于  
德為愆義余心甚鄙之今者擬建四公祠于此  
命有司春秋舉祀著為令典匪且明祭法且示  
宜斯土者知景行也嗚呼四公異世而同神余  
也曠世而相感嘉忠心之耿耿黃金石以不磨  
義正氣之堂堂塞天地而不渙土既為正人歿  
當為大神其保國佑民定非鮮渺而豈與世之  
妄徼非福者可同日語哉瞻廟貌之隅新知英  
爽之既妥敬陳詞而列  
竿冀陟降于几筵尚享

清祭睢陳道蔡公文

大興方于光 陳太守

嗚維我公視履夙稱強幹意量無為弘遠未竟  
之事業莫殫之道力正殷遙未又何遽累大哲  
人抱痛即豈全道而歸正性而迎生死齊疑一  
故即為乎此言然也蓋可謂已